

Aulayukhaq Aihimavingmi

Qaritayakkuurutit qayangnautaagut

Qaritayakkuurutit nakuyuuq atuqtauuyukhanik qiniriami ayuiqhautikhanik, ulapqidjutikhanik uqaqatigiyaamigillu ilannani. Imaaluttauq qaritayakuurutit qayangnaqtullu. Hamma ilangit ilihimayauyukhat ilihaiyit unniutiyaaktait angayuqqaanut.

Nakudjutaa

- Qaritayakkuurutit nutaqqanik pittaarutauyut kangiqhidjutikhanik quyaginnaq ayuiqharumayamingnik.
- Uqaqatigiigutit qaritayakkuurutit (Facebook, Twitter, MySpace-lu ilangit) pipkautauyut inuulramminik ilanningnut ilamingnullu uqaqatigiqattariangita unghaktumiitpata.

Nakuulluanngitut

- Qaritayakuutiliqinaraangat aannialaqinaqturlu, imaa iyingni takpiirnaqtuq, algautingni ulurianaqhiutinnaqtuq.
- Qaritayakkuunginaraangat ayurinnaqtuq.
- Nutaqqallu qaritayakkut pigiaqtauttaqtuq (inuglugiyauniq qaritayakkut).

Ikayuutikhait angayuqqaanut

- Angayuqqaat ilihaqtukhauyut tamainik qaritayakkuurnikkut.
- Angayuqqaat ilitturipkatakhaait nutaqqatik qaritayakuurutikhainik qaritayakuulimaidjutikhainik.
- Angayuqqaat uqaqatigiyakhait nutaqqatik ikpingnautaagut inmikkut tiitraqhimayatik ilitturipkatailugit.
- Angayuqqaat ilitturipkatakhatik nutaqqatik ikayuqtigarumagumik apiriinaqtaaqtaahi.

Qaritayakkuurutikkut inuglugiyauniq

Ilihaiyit ilihimayamingik kangiqhidjutinik unniudjuuyukhat angayuqqaanut inuglugiyaunikut qaritayakkut, amigaittuungmata inuulrammit qaritayakkuurutinik atuqpalirmata qaritayakkut inuglugiyauniaqtut.

Inuglugiyauniq qaritayakkut imaa qaritayakkuurutikkut aturniat akhuurutigiblugu, atuffaaq hugit takuyatik inuglugiyauniit aallat aanniqhinhuaqhutik.

Ukua ilangit inuglugiyauniq qaritayakkut:

- Taimalimaittut iqhinaaqhautit titiraqhimayut qaritayakkut.
- Tuhaahimayuyut titiraqhimayut qaritayakkut uqaqatigigutikkut ukunani Facebook Twitter-kkulluuniit.
- Kan'ngunaqtut piksak, qun'ngiaktakhat, qaritayakuurutit ilangit, iqublutik kinauyaamingnik titiraqhimayait.

Inuglugiyauniq qaritayakkut piyaaqtauyuk ubluummaat, humiliqaak ubluani, taimaa nutarap ilaani qimalimaavigilimaitaa.

Nutaqqat qaritayakkurutikkut inuglugiyauyut takuyugaangamiglu inuglugiyauhimaaqtauvaktut.

Ilitturiyuumirumaguvit tiivirnikkut uvunga pulaarlugu:

<http://www.thedoorthatsnotlocked.ca>

<http://www.stopbullying.gov/cyberbullying/index.html>